

ՀԱՂՈՐԴՈՒՄՆԵՐ

Ե. Խալեյան

ԱՎԻԱՑԻԱՅԻ ՄԱՐԺԱԼ ԱՐՄԵՆԱԿ ԽԱՆՖԵՐՅԱՆ
(ՍԵՐԳԵՅ ԽՈՒԴՅԱԿՈՎ)

Սովետական Բանակի ռազմաօդային ուժերի անձնակազմում ականավոր դեմքերից է եղել հայ ժողովրդի զավակ, ավիացիայի մարշալ Արմենակ Արտեմի Խանֆերյանը, որն իր գիտակցական ամբողջ կյանքը անց է կացրել Սովետական Բանակում, շարքային զինվորից աճել, արժանացել մարշալի կոչման, Հայրենական Մեծ պատերազմում մարտական փառքով պսակել իր անունը:

Ա. Խանֆերյանը ծնվել է 1902 թ. Լեռնային Ղարաբաղի Վերին Թաղլար գյուղում, վեց տարեկան հասակում ղրկվելով հորից, մնացել է պապի խնամքին, որը նրան նախնական կրթության է տվել ծխական դպրոցում:

1916 թ. Արմենակը, թողնելով պապական տունը, ոտքով ուղևորվում է Եվլախ, այնտեղից ապրանքատար բաց վագոնի հարթակին թառած հասնում Բաքու: Բաքվում նա ապրում է հորաքրոջ մոտ, որն որբացած եղբոր որդուն ընդունում է գրկաբաց, ցուցաբերում մայրական հոգատարություն: Արմենակը հորաքրոջ ամուսնու միջնորդությամբ, որ աշխատում էր Բալասանի շրջանի Մանթաշևի գործարանի գրասենյակում, ընդունվում է նույն գործարանում որպես բանվոր և որոշ ժամանակից հետո դառնում հեռախոսավար:

Արմենակը շատ ընդունակ երիտասարդ էր. այս նոր միջավայրում նա համառ կերպով զբաղվում է ինքնազարգացմամբ, շատ շուտով տիրապետում ռուսերեն լեզվին: Առաջավոր բանվորներից նա շարունակ հայերեն և ռուսերեն անլեզալ գրքեր է ստանում ու կարդում, 1918 թ. դեռևս պատանի հասակում ներդրավում է ռևոլյուցիոն աշխատանքի մեջ:

Բաքվի հերոսական Կոմունայի օրերին երիտասարդ Արմենակը կամավոր մտնում է Կարմիր գվարդիա «Ժելեզնի օտրյադ», ու զենքը ձեռքին Պետրովի ղորախմբում մասնակցում Բաքվի պաշտպանության մարտերին: Կոմունայի անկումից հետո այդ նույն զորամասի հետ էվակուացվում է Աստրախան: Այստեղ Կարմիր Բանակի շարքերում նա իր համագյուղացիներ Ալեքսան և Տիգրան Գալստյանների, Լալարեկյանի և մյուսների հետ միասին մարտնչում է 1919 թ. Ցարիցինի պաշտպանության դիրքերում, քաղաքացիական կռիւլների այլ ճակատներում:

Ա. Խանֆերյանը դառնում է սովետական երիտասարդ բանակի ռազմիկ, իր առաջին մկրտությունը ստանալով ինտերվենտների և սպիտակգվարդիա-

¹ Պետրովը զնդակահարված 26 կոմիսարներից մեկն է, նրա ձերբակալությունից հետո ատրյադի հրամանատարությունը անցնում է նրա տեղակալ՝ Տամարկինին:

կանոնության դեմ 1918—1920 թթ. Կարմիր Բանակի մղած հերոսական մարտերում:

1923—1924 թթ. Խանֆերյանը սովորում և ավարտում է Թրիխսի հեծելազորային դպրոցը: Այդ տարիներին նա ընդունվում է նաև Կոմունիստական պարտիայի շարքերը: Հետագայում նշանակվում է ստանում և ուղևորվում Բլախով քաղաքը—Ուկրաինա: Այստեղ նա ծագում է մինչև 1931 թ., ձեռք է բերում հրամանատարական հմտություն, մարտական և քաղաքական պատրաստություն, վարում է մի շարք պատասխանատու պաշտոններ՝ ռազմական դպրոցի պետ, գնդի շտաբի պետ և այլն:

1931 թ. վերադառնալով հրամանատարության միջնորդությամբ Խանֆերյանը որպես լավագույն հրամանատար զործուղվում է Մոսկվա՝ Սովետական Բանակի ռազմաօդային ուժերի Ակադեմիայում սովորելու: 1936 թ., ակադեմիան ավարտելուց հետո, Արմենակ Խանֆերյանը նշանակվում է Բելոռուսիայի ռազմական օկրուգի ռազմաօդային ուժերի պետ: Պատերազմի սկզբից մասնակցում է գերմանա-ֆաշիստական զավթիչների դեմ մղվող կատաղի մարտերին:

Պատերազմի առաջին ամիսներից սկսած Սովետական Բանակի Գերագույն Գլխավոր Հրամանատարության հանձնարարությամբ Խանֆերյանը մասնակցում է ռազմաօդային ուժերի ղեկավարման աշխատանքներին տարբեր պոստերում: Նա գլխավորել է արևմտյան ռազմաճակատի ռազմաօդային ուժերը, որպես նրա հրամանատարը, եղել է ՍՍՌՄ ռազմաօդային ուժերի գլխավոր շտաբի պետ, ինչպես նաև ավիացիոն բանակի հրամանատար, որը գործել է թե Արևմտյան և թե Հեռավոր Արևելյան ռազմաճակատներում: 1943—1944 թթ. ավիացիայի գծով հանդես բերած զորավարական հմտության ու անձնական արիության համար Սովետական կառավարությունը Խանֆերյանին պարգևատրում է բազմաթիվ մարտական շքանշաններով ու մեդալներով: Պատերազմի տարիներին նա արագորեն աճում է, անցնելով ղեկավարական կոչումների բոլոր աստիճանները, 1944 թ. օգոստոսի 19-ին ՍՍՌՄ Գերագույն Սովետի նախագահության հրամանագրով արժանանում ավիացիայի մարշալի զինվորական բարձր կոչմանը, դառնում է Սովետական Բանակի ռազմաօդային ուժերի ճանաչված ղեկավարներից մեկը:

1945 թ. փետրվարի սկզբին Ղրիմում Յալթայի մոտ տեղի է ունենում զաչնակից Լեք պետությունների՝ ՍՍՌՄ, ԱՄՆ-ի և Մեծ Բրիտանիայի ղեկավարների կոնֆերանսը: Ղեկավարներից բացի, այդ կոնֆերանսին մասնակցում են նաև Արտաքին Գործերի մինիստրներ, գլխավոր շտաբների պետերը և այլ խորհրդատուներ: Յալթայի կոնֆերանսին որպես խորհրդական մասնակցում է նաև ռազմաօդային ուժերի գծով ավիացիայի մարշալ Ս. Խուդյակովը (Ա. Խանֆերյանը): Կոնֆերանսը, ինչպես հայտնի է, մշակեց ֆաշիստական Գերմանիայի վերջնական ջախջախման զործողության ծրագիրը: Այդ ծրագրի համաձայն բանակները սկսեցին գործել ավելի ինտենսիվորեն:

Ֆաշիստական Գերմանիայի ջախջախումից և վերջնական կապիտուլյացիայից հետո, ավիացիայի մարշալ Խանֆերյանը փոխադրվում է Հեռավոր Արևելյան ռազմաճակատ: Այստեղ նա մեծ հաջողությամբ ղեկավարում է 12-րդ ավիացիոն բանակի օպերացիաները: Նրա օղակները մեծ քաջագործություններով աչքի են ընկնում սովետական զորքերի կողմից ճապոնական Կվանտունյան բանակի ջախջախմանը, որը նշվում է Գերագույն Գլխավոր հրամա-

նատարի 1945 թ. օգոստոսի 23-ի հրամանում, և շնորհակալություն է հայտնելում Բանակի ողջ անձնակազմին:

Այսպիսին է Արմենակ Խանֆերյանի կյանքի ուղին: Դժբախտաբար նա կարճ ապրեց, կյանքն ավարտելով 49 տարեկան հասակում 1951 թվականին, դեռևս իր ուժերի ծաղկման շրջանում: Խանֆերյանը իր ամբողջ ուժերն ու ընդունակությունները ի սպաս դրեց Սովետական հայրենիքի ազատության ու անկախության գործին: Նա հայրենիքին զոհաբերեց նաև իր 14 տարեկան որդուն՝ Վիտյային, որը 1943 թ. սպանվեց ֆաշիստական զնդակից, Խարկովի տակ՝ հոր հետ մարտական թոխք կատարելիս:

1957 թ. հունիսի 2-ին Խանֆերյանի կինը՝ Վառվառա Պետրովնան Մոսկվայից այցելում է իր ամուսնու գյուղը՝ Վերին Թաղլարը և սպասական հարկի տակ նշում է կրտսեր որդու Սերգեյիկի¹ ծննդյան 14 տարին: Այդ առթիվ հրավիրված խնջույքը վեր է ածվում համընդհանուր տոնախմբության: Վառվառա Պետրովնան ի հիշատակ այդ օրվան գյուղի ակումբին նվիրում է երկու մեծ ջահ, որի լույսերի մեջ ողողված Վերին Թաղլարցիները մեծարում և փառաբանում են իրենց արժանավոր համագյուղացուն, ավիացիայի մարշալ Արմենակ Արտեմի Խանֆերյանի հերոսական անունն ու գործերը:

¹ Սերգեյիկը Խանֆերյանի երկրորդ որդին է, որն այժմ ապրում է Մոսկվայի մոտ: